

Գ Լ Ո Ւ Խ Ե .

Այլադրէր Արմին : Վէճ՝ Յունաց ընդ Հայոց տակ մտանելը 'ի ՊԷ-
րեզմանն և հետեւակ երկոյ աղգաց . Վէճ՝ Լատինաց 'ի Ս . Յարութիւն :
Խռովութիւն Յունաց վասն Ս . Յակոբայ :

ՊԻՐԻԳՈՐ Պատրիարք նեղեալ յերեսաց յայսպիսի չա-
րագուշակ դիպուածոց խորհէր հանապազ խնուլ զըե-
րանս Յունաց, զի հանդերձեալ էին նոքա բանալ զըռուռն
մեծի խռովութեան . և մինչ նա յայսմ խորհրդի տաղնա-
պեալ վարանէր՝ յարեաւ այլ իմն խռովութիւն յերուսա-
ղէմ քաղաքի : Քանզի միարանք Հայոց կարի իմն տաղտկա-
ցեալ էին 'ի բռնութենէ և 'ի նեղութենէ այլազգեաց Սիո-
նի , որք անդադար հասուցանէին նոցա զչարիս , խորտա-
կէին զտապանաքարս գերեզմանատանց , և զպիտանիւն
բարձեալ տանէին 'ի տունս 'ի կիր առնուլ 'ի պէտս շին-
ուածոց իւրեանց , և 'ի ժամանակի գերեզման օրհնելոյ՝ և
զննջեցեալս թաղելոյ՝ հասեալ 'ի վերայ քահանայից գա-
նիւք խոշտանդէին՝ և խափանեալ զպաշտօնն՝ հալածական
տանէին զնոսա մինչեւ 'ի ներքս 'ի քաղաքն . ապա կու-
տելով 'ի վերայ նոցա զբանս զրպարտանաց՝ կորզէին 'ի
նոցանէ զգուժարս դրամոց : Եւ այսու եւս ոչ շատացեալ ,
ումանք 'ի նոցանէ գնացեալ 'ի Կոստանդինուպօլիս , ստու-
թեամբ և պէսպէս բարրանօք զրպարտէին զմիաբանս վա-
նօրէից , որպէս թէ՛ նեղեալ իցեն 'ի քրիստոնէից , և կա-
լուածք մարգարէին Դաւթի մատնեալ 'ի յափշտակութիւն
նոցա : Այսպիսի հնարիւք առեալ հրովարտակս՝ դառ-
նային յերուսաղէմ , եւ նովաւ բռնացեալ 'ի վերայ քրիս-
տոնէից պահանջէին զդրամս , և 'ի վերջոյ ծանր դնով վա-
ճառէին նոցա զհրովարտակն զայն . և այսպէս օր քան զօր
զայրանայր չարիք նոցա 'ի վերայ քրիստոնէից՝ եւ չեղեւ
հնար ցածուցանել զնոսա 'ի բարկութենէ իւրեանց : Այլ
իբրեւ անցին ըստ չափն՝ եւ յոչ արժանիս եղեն ձեռնե-
րեց , սրտմտեալ քրիստոնէից արդար բարկութեամբ ,
խուռն բազմութեամբ դիմեցին առ դատաւոր քաղաքին ,